



Broj/Број: 01/a-50-1-15-82/10
Sarajevo/Сарајево: 28.7.2010.

ZAPISNIK
82. sjednice Predstavničkog doma
Parlamentarne skupštine Bosne i Hercegovine,
održane 28.7.2010. godine

Sjednica je počela u 10 sati. Prisustvovalo je 38 poslanika.

Opravdano su odsustvovali: Milica Marković, Salko Sokolović, Zlatko Lagumdžija, Branko Dokić i Jerko Ivanković Lijanović.

Iz Vijeća ministara BiH sjednici je prisustvovao ministar sigurnosti BiH Sadik Ahmetović.

Iz međunarodnih organizacija sjednicu su pratili predstavnici: Delegacije EU u BiH, OHR-a, OSCE-a, EUSR-a, britanske ambasade, američke ambasade i Centra civilnih inicijativa.

U okviru prethodnih pitanja, predsjedavajući je informirao Dom da je Centralna izborna komisija BiH, 26.7. 2010., dostavila Domu Odluku o prestanku mandata Savi Eriću i dodjeli mandata sljedećem kvalificiranom kandidatu s liste političke stranke SDS - Srpska demokratska stranka, a to je Ljiljana Milićević. Ljiljana Milićević je, 26.7.2010., potpisala izjavu o prihvatanju mandata. Predsjedavajući je pozvao novu poslanicu da da' svečanu izjavu kako bi preuzela poslanička prava i obaveze, što je i učinila.

Nakon toga Savo Erić kratko se obratio Predstavničkom domu. Predsjedavajući mu je, na kraju, zahvalio na dosadašnjem radu u Predstavničkom domu Parlamentarne skupštine BiH i korektnoj saradnji te mu poželio uspjeh u budućim profesionalnim i privatnim aktivnostima.

Predsjedavajući Lozančić kratko je upoznao Dom sa izmjenama i dopunama dnevnog reda, nakon čega je otvorio raspravu o predloženom dnevnom redu.

U raspravi su učestvovali: Denis Bećirović, Beriz Belkić, Lazar Prodanović, Sadik Bahtić, Momčilo Novaković, Šefik Džaferović, Mirko Okolić, Slavko Jovičić, Adem Huskić, Remzija Kadrić, Drago Kalabić, Vinko Zorić, Ekrem Ajanović, Husein Nanić, Sefer Halilović, Azra Hadžiahmetović, Milorad Živković, Halid Genjac, Selim Bešliagić, Željko Kuzmanović i Azra Alajbegović.

Drago Kalabić predložio je da se u dnevni red uvrsti tačka pod nazivom – Potvrđivanje autentičnog prijevoda Općeg okvirnog sporazuma za mir u BiH na jezike u službenoj upotrebi u BiH.

Željko Kuzmanović zatražio je od službe osiguranja da mu dostavi spisak ko sve prisustvuje sjednici Doma, gdje i na koji način je izvršena identifikacija prisutnih i da li su svi prisutni obučeni u skladu s Kodeksom ponašanja poslanika i delegata u Parlamentarnoj skupštini BiH, nakon čega je napravljena pauza od 50 minuta.

Nakon pauze, Željko Kuzmanović konstatirao je da nije dobio tražene podatke.

Drago Kalabić predložio je da se Dom izjasni o tome da li su stečeni uslovi da se sjednica nastavi. Tražio je pauzu pet minuta.

Nakon pauze, Drago Kalabić obrazložio je razloge traženja pauze. Rekao je i to da su, prema njegovim informacijama, u Bijelu salu ušla lica koja se nisu identificirala prema pravilima Parlamentarne skupštine BiH.

Pauzu u trajanju od 10 minuta zatražio je i Denis Bećirović. Nakon pauze, Denis Bećirović obrazložio je razloge traženja pauze.

Beriz Belkić dao je pauzu od 10 minuta. Nakon što je pauza završena, predsjedavajući Niko Lozančić upoznao je Dom da je u međuvremenu održana sjednica Kolegija Doma kao i Kolegija Doma u proširenom sastavu, te da je Kolegij Doma predložio, a Kolegij Doma u proširenom sastavu jednoglasno prihvatio skraćeni dnevni red 82. sjednice Doma. Napomenuo je i to da je stav Kolegija Doma u proširenom sastavu da se ne otvara rasprava o novom dnevnom redu a da svi poslanici koji su željeli postavljati poslanička pitanja to urade u pisanoj formi bez usmenog obrazlaganja. Također je obavijestio Dom da će se sve tačke koje su bile planirane za današnju sjednicu uvrstiti u dnevni red 83. sjednice Doma planirane za 1.9.2010.

Za 82. sjednicu Doma usvojen je izmijenjeni

D N E V N I R E D

1. Usvajanje Zapisnika 81. sjednice Predstavničkog doma;
2. Potvrđivanje Odluke o upućivanju pripadnika Oružanih snaga Bosne i Hercegovine u misiju Snage međunarodne sigurnosne pomoći (ISAF) u Islamsku Republiku Afganistan;
3. Imenovanje člana Upravnog odbora Javnog radiotelevizijskog servisa Bosne i Hercegovine iz hrvatskog naroda, materijal broj: 01,02-50-3-916/10, od 12.7.2010. (Rang-lista Regulatorne agencije za komunikacije BiH);
4. Imenovanje članova u Stručnu komisiju DTT Foruma, materijal broj: 01,02-29-919/10, od 13.7.2010. (materijal Ministarstva komunikacija i prometa BiH);
5. Izmjena u zaključku Predstavničkog doma sa 76. sjednice, održane 21. 4. 2010., povodom zaduživanja zamjenika ministra sigurnosti Mije Krešića da obavlja dužnost vršioca dužnosti direktora Agencije za prevenciju korupcije i koordinaciju borbe protiv korupcije;
6. Davanje saglasnosti za ratifikaciju:
 - a) Sporazuma između Vijeća ministara BiH i Vlade Republike Srbije u oblasti obrazovanja, kulture i sporta,
 - b) Sporazuma o ekonomskoj saradnji između Ministarstva vanjske trgovine i ekonomskih odnosa BiH i Ministarstva industrije i trgovine Republike Češke,
 - c) Sporazuma između Bosne i Hercegovine i Republike Češke o razmjeni i obostranoj zaštiti tajnih podataka,
 - d) Sporazuma o finansiranju između Bosne i Hercegovine i Međunarodne asocijacije za razvoj – *Prvo programsko finansiranje za razvojne politike javne potrošnje* (resorno ministarstvo: Ministarstvo finansija i trezora BiH),

- e) Sporazuma o zajmu između Bosne i Hercegovine i Međunarodne banke za obnovu i razvoj – *Prvi programski zajam za razvojne politike javne potrošnje* (resorno ministarstvo: Ministarstvo finansija i trezora BiH),
- f) Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o međusobnom izvršavanju sudskih odluka u krivičnim stvarima (resorno ministarstvo: Ministarstvo pravde BiH),
- g) Sporazuma o finansiranju između Bosne i Hercegovine i Međunarodne asocijacije za razvoj – *Projekat podrške mrežama socijalne sigurnosti i zapošljavanju*,
- h) Sporazuma između Vijeća ministara BiH i Vlade Federativne Republike Brazil o djelimičnom ukidanju viza,
- i) Sporazuma između Vijeća ministara BiH i Vlade Arapske Republike Egipat o uzajamnom ukidanju viza za nosioce diplomatskih, službenih i specijalnih pasoša,
- j) Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Centralbank Osterreich Aktiengesellschaft - Izgradnja nove bolnice u Bijeljini.

Ad.1. Usvajanje Zapisnika 81. sjednice Predstavničkog doma

Predsjedavajući je konstatirao da su svi poslanici dobili Zapisnik.

Zapisnik 81. sjednice usvojen je s 32 glasa „za“ (iz Federacije BiH 22, iz Republike Srpske 10), jednim glasom „protiv“ i bez „suzdržanih“ glasova.

Ad.2. Potvrđivanje Odluke o upućivanju pripadnika Oružanih snaga Bosne i Hercegovine u misiju Snage međunarodne sigurnosne pomoći (ISAF) u Islamsku Republiku Afganistan

Nakon uvodnih napomena predsjedavajućeg, u raspravi su učestvovali Šefik Džaferović i Momčilo Novaković.

S 29 glasova „za“ (iz Federacije BiH 21, iz Republike Srpske osam), šest glasova „protiv“ i jednim glasom „suzdržan“, Predstavnički dom potvrdio je Odluku o upućivanju pripadnika Oružanih snaga Bosne i Hercegovine u misiju Snage međunarodne sigurnosne pomoći (ISAF) u Islamsku Republiku Afganistan.

Ad.3. Imenovanje člana Upravnog odbora Javnog radiotelevizijskog servisa Bosne i Hercegovine iz hrvatskog naroda, materijal broj: 01,02-50-3-916/10, od 12.7.2010. (Rang-lista Regulatorne agencije za komunikacije BiH)

Predsjedavajući Niko Lozančić dao je kratke uvodne napomene. Napomenuo je da je Regulatorna agencija za komunikacije BiH dostavila rang-listu kandidata za člana Upravnog odbora Javnog radiotelevizijskog servisa BiH iz hrvatskog naroda kako slijedi:

1. Maja Lasić
2. Mario Pejić
3. Josip Dolić

Nije bilo rasprave.

S tri glasa „za“ (iz Federacije BiH), 32 glasa „protiv“ i jednim „suzdržanim“ glasom, kandidat Maja Lasić nije dobila opću većinu glasova te nije imenovana za člana Upravnog odbora Javnog radiotelevizijskog servisa BiH.

Zatim je Predstavnički dom, s 33 glasa „za“ (iz Federacije BiH 21, iz Republike Srpske 12), jednim „protiv“ i bez „suzdržanih“ glasova, imenovao Marija Pejića za člana Upravnog odbora Javnog radiotelevizijskog servisa BiH iz hrvatskog naroda.

Dom je, s 27 glasova „za“ (iz Federacije BiH 17, iz Republike Srpske 10), bez glasova „protiv“ i jednim „suzdržanim“ glasom, usvojio zaključak iz Mišljenja Komisije za saobraćaj i komunikacije koji glasi:

„Predstavnički dom traži od nadležnih organa da se deblokira proces izbora i imenovanja člana Upravnog odbora Javnog radiotelevizijskog servisa BiH iz srpskog naroda.“

Ad.4. Imenovanje članova u Stručnu komisiju DTT Foruma, materijal broj: 01,02-29-919/10 od 13.07.2010. godine (materijal Ministarstva komunikacija i prometa BiH)

Niko Lozančić je u uvodnim napomenama rekao da, u skladu s članom 8. st. 1. i 2. Odluke o izmjeni Odluke o nastavku rada Foruma o digitalnoj zemaljskoj televiziji BiH, Parlamentarna skupština BiH imenuje tri člana (Predstavnički dom dva a Dom naroda jednog). Stav Kolegija Doma je da Predstavnički dom imenuje člana iz srpskog i bošnjačkog naroda a Dom naroda člana iz hrvatskog naroda, te da je prijedlog Kolegija Doma u proširenom sastavu da to budu Husein Nanić i Branko Dokić. Nije bilo rasprave.

Dom je, s 30 glasova „za“ (iz Federacije BiH 19, iz Republike Srpske 11), dva glasa „protiv“ i četiri „suzdržana“, imenovao Huseina Nanića i Branka Dokića za članove Stručne komisije DTT Foruma.

Ad.5. Izmjena u zaključku Predstavničkog doma sa 76. sjednice, održane 21.4.2010., povodom zaduživanja zamjenika ministra sigurnosti Mije Krešića da obavlja dužnost vršioca dužnosti direktora Agencije za prevenciju korupcije i koordinaciju borbe protiv korupcije

Predsjedavajući je podsjetio da su Predstavnički dom (na 76. sjednici, održanoj 21.4.2010.) i Dom naroda (na 47. sjednici, održanoj 24.6.2010.) svojim zaključcima zadužili zamjenika ministra sigurnosti BiH Miju Krešića da obavlja dužnost vršioca dužnosti direktora Agencije za prevenciju korupcije i koordinaciju borbe protiv korupcije do izbora direktora, a najdalje do 1.8.2010. S obzirom da su aktivnosti za imenovanje direktora i zamjenika u toku izvjesno je da se ovaj posao neće okončati do 1.8.2010. Stoga je Kolegij Doma predložio sljedeći zaključak:

“U zaključku broj 1. kojim je Predstavnički dom zadužio zamjenika ministra sigurnosti BiH Miju Krešića da obavlja dužnost vršioca dužnosti direktora Agencije za prevenciju korupcije i koordinaciju borbe protiv korupcije do izbora direktora Agencije na osnovu Zakona o Agenciji za prevenciju korupcije i koordinaciju borbe

protiv korupcije („Službeni glasnik BiH“, broj 103/09) briše se preostali tekst „a najdalje do 1. 8. 2010. godine“.

Zaključak je usvojen s 29 glasova „za“ (iz Federacije BiH 17, iz Republike Srpske 12), dva glasa „protiv“ i četiri „suzdržana“ glasa.

Ad.6. Davanje saglasnosti za ratificiranje:

- a) Sporazuma između Vijeća ministara BiH i Vlade Republike Srbije u oblasti obrazovanja, kulture i sporta,
- b) Sporazuma o ekonomskoj saradnji između Ministarstva vanjske trgovine i ekonomskih odnosa BiH i Ministarstva industrije i trgovine Češke Republike,
- c) Sporazuma između Bosne i Hercegovine i Češke Republike o razmjeni i obostranoj zaštiti tajnih podataka,
- d) Sporazuma o finansiranju između Bosne i Hercegovine i Međunarodne asocijacije za razvoj – Prvo programsko finansiranje za razvojne politike javne potrošnje (resorno ministarstvo: Ministarstvo financija i trezora BiH),
- e) Sporazuma o zajmu između Bosne i Hercegovine i Međunarodne banke za obnovu i razvoj – Prvi programski zajam za razvojne politike javne potrošnje (resorno ministarstvo: Ministarstvo financija i trezora BiH),
- f) Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o međusobnom izvršenju sudskih odluka u krivičnim stvarima (resorno ministarstvo: Ministarstvo pravde BiH),
- g) Sporazuma o finansiranju između Bosne i Hercegovine i Međunarodne asocijacije za razvoj – Projekt podrške mrežama socijalne sigurnosti i zapošljavanju,
- h) Sporazuma između Vijeća ministara BiH i Vlade Federativne Republike Brazil o djelimičnom ukidanju viza,
- i) Sporazuma između Vijeća ministara BiH i Vlade Arapske Republike Egipat o uzajamnom ukidanju viza za nosioce diplomatskih, službenih i posebnih pasoša,
- j) Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Centralbank Osterreich Aktiengesellschaft – Izgradnja nove bolnice u Bijeljini.

Predsjedavajući je podsjetio da je nadležna Komisija za vanjske poslove dala pozitivno mišljenje o sporazumima i Ugovoru, nakon čega nije bilo rasprave.

Dom je, s 33 glasa "za" (iz Federacije BiH 22, iz Republike Srpske 11), dva „protiv“ i jednim „suzdržanim“ glasom, prihvatio prijedlog predsjedavajućeg da se glasa u paketu o tačkama od a) do j).

Zatim je Dom, s 32 glasa "za" (iz Federacije BiH 22, iz Republike Srpske 10), jednim „protiv“ i bez „suzdržanih“ glasova, dao saglasnost za ratifikaciju sporazuma od a) do j).

Time je realiziran dnevni red.

S obzirom da se na dnevnom redu nije nalazila tačka Poslanička pitanja i odgovori, poslanici su u pisanoj formi dostavili poslanička pitanja kako slijedi:

Šefik Džaferović

Pitanje upućeno Predsjedništvu BiH i Vijeću ministara BiH - „Šta su konkretno uradili državni organi (kojima se postavlja pitanje) na rješavanju pitanja nepokretne vojne imovine?“

Sead Jamakosmanović

Pitanja upućena Agenciji za lijekove i medicinska sredstva BiH:

1. „Zašto je registar za lijekove Bosne i Hercegovine nekompletan?
Nedostaju važne informacije o lijekovima:
 - indikacije
 - kontraindikacije
 - nuspojave itd.
2. Da li i kada će pomenuti propust biti otklonjen?“

Azra Alajbegović

Pitanje upućeno Agenciji za lijekove i medicinska sredstva BiH - „Molim Agenciju za lijekove i medicinska sredstva da mi dostavi izvještaj o proceduri koja je provedena od nadležnih tijela Agencije za potpisani ugovor o poslovnoj saradnji broj: 09-249, od 25. 12. 2009., između Agencije za lijekove i medicinska sredstva Srbije i Agencije za lijekove i medicinska sredstva Bosne i Hercegovine.“

Nermina Zaimović-Uzunović

Pitanja postavljena ministru za ljudska prava i izbjeglice BiH i predsjedavajućem Komisije za izbjeglice i raseljena lica BiH:

1. „Kako je došlo do konačne odluke da se umjesto Udruženju poljoprivrednika „Zdrava hrana“ sredstva dodjele pojedincu?
2. Zašto nikad niko nije uputio zvanično obavještenje i ujedno obrazloženje ove nepravedne i diskriminirajuće odluke?
3. Da li će povučena sredstva u visini od 15 000 KM ostati zaleđena, tj. neiskorištena iako su prvobitno bila dodijeljena Udruženju „Zdrava hrana“?“

Husein Nanić

1. Pitanje upućeno Federalnom zavodu za mirovinsko i invalidsko osiguranje - „Šta namjerava uraditi s objektom Doma penzionera, vlasništvo Federalnog zavoda PIO, koji je u ruševnom stanju i velika opasnost za građane Bihaća i šta će preduzeti da se objekat bar zaštiti i ne predstavlja potencijalni izvor stradanja mladih ljudi i djece te da se konačno ta ruševina ili stavi u funkciju ili sruši jer se nalazi u centru grada?“
2. Pitanje upućeno Vijeću ministara BiH - Da li je od institucija BiH (VMBiH) Vlada F BiH, Ured državnog koordinatora za IPA projekte, kandidiran projekat za dodjelu finansijskih sredstava za rekonstrukciju unske pruge te da li se vode razgovori između BiH i R Hrvatske o stavljanju u funkciju te pruge s obzirom da je ona regionalnog karaktera i veoma važna?

Remzija Kadrić

Pitanje upućeno Ministarstvu unutrašnjih poslova Republike Srpske - „Dana 26. 7. 2010. izvršen je teroristički napad u Višegradu na članove Instituta za traženje nestalih osoba. Koje su mjere preduzete u rasvjetljavanju tog terorističkog akta, identifikaciji i privođenju izvršilaca?“

Adem Huskić

Pitanje upućeno Ministarstvu komunikacija i prometa BiH - „Kada će biti pokrenuta inicijativa za rekonstrukciju regionalnog puta R 413-A Zenica-Ovnak-Han Bila-Nova Bila veza Travnik?“

Željko Kuzmanović

1. Pitanje upućeno Ministarstvu komunikacija i prometa BiH - „Kada će se otvoriti pregovori s nadležnim ministarstvom u Italiji o priznavanju vozačkih dozvola BiH?“
2. Pitanje upućeno Vijeću ministara BiH, Ministarstvu unutrašnjih poslova Republike Srpske i Federalnom ministarstvu unutrašnjih poslova - „Šta nadležne institucije preduzimaju na suzbijanju (po meni najgnusnijeg oblika kriminaliteta) objavljivanja pornografskih sadržaja na internetu a gdje su akteri maloljetna lica i da li su kapaciteti angažirani na ovim poslovima dovoljni da se ovakve pojave efikasno suzbiju?“
3. Pitanje upućeno Vijeću ministara BiH – „Šta se dešava sa starom deviznom štednjom Investbanke Beograd, odnosno dokle su stigli pregovori o eventualnoj isplati štednih uloga oštećenim deponentima ove banke?“

Sadik Bahtić

Pitanje i inicijativa upućeni Ministarstvu komunikacija i prometa BiH - „Tražim od Ministarstva komunikacija i prometa da po hitnom postupku pokrene proceduru dopune Zakona o JRTVS- a Bosne i Hercegovine. „Odbor JRTVS-a je dužan da u roku od 30 dana od dana stupanja na snagu izmjena i dopuna Zakona o JRTVS-u izvrši registraciju korporacije sa sektorom prenosa i emitiranja programa, kako bi se ista mogla registrirati kod RAK-a kao mrežni operater u skladu s novom evropskom regulativom iz oblasti digitalizacije. Ostale sektore korporacije predviđene zakonom o JRTVS-u registrirati najkasnije za pola godine, a u tom periodu izvršiti usaglašavanje zakona entitetskih emitera sa Zakonom o JRTVS-a.“

Vesna Šain

Pitanje upućeno Ministarstvu za ljudska prava i izbjeglice BiH - „Kakvu vrstu pomoći su uputili Općini Derventa ili koliko sredstava planiraju izdvojiti kao pomoć u sanaciji ogromne štete?“

Rifat Dolić

1. Pitanje upućeno Vladi Kantona Sarajevo - „Na koji način i po kojim kriterijima je u Kantonu Sarajevo izvršen izbor 50 zaslužnih radnika iz oblasti estrade, kulture i umjetnosti kojima se iz budžeta Kantona uplaćuje radni staž i drugi doprinosi na osnovicu od 900 KM?“
2. Pitanje upućeno Vijeću ministara BiH – „Koliko se građana BiH u posljednjih 10 godina ispisalo iz državljanstva BiH u svrhu uzimanja državljanstva neke druge zemlje i šta je Vijeće ministara BiH preduzimalo ili preduzima da riješi ovo pitanje i zaustavi ovu negativnu pojavu?“

Denis Bećirović

Pitanje upućeno visokom predstavniku i posebnom predstavniku EU za Bosnu i Hercegovinu Valentinu Inzku - „Šta ćete konkretno učiniti s ciljem zaštite novinara FTV-a Damira Kaletovića od sudskog progona koji je pokrenulo lice koje mu je javno prijetilo „metkom u čelo“?“

Sjednica je završena u 16,15 sati.

Sastavni dio Zapisnika je transkript 82. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
Niko Lozančić